

և եղին զՊաշպախիդուլին որ Հաճի Իպրահիմ յոր-
ջորջի:

Շաբաթ (22 Նոյ.) երեկոյիս Ագուլեցի Թորոսի
յօտան կերայ զհացն, և երեկոյիս Թորոսն կէլիպօլու
ի մերս էր:

Առաւօտուս Կիրակի (23 Նոյ.) Տէր Աստուածա-
տուրն Թոխաթու ի Մղսոնց նստաւ սակաւ և ել գնաց:
Հաճի Տէվրիշի տղան կարգեցաւ:

Դշի օրս (26 Նոյ.) զէզիրն գնաց ամենայն մեծա-
մեծօքն ի դուրս և ետ նարդ և հրաման չոր միս ա-
նելոյ որպէս սովորն են ամենայն ամի առնել, և յետ
դառնալն բազում մրգածախ տաճիկս և ալլազգիս
գանեալ և զօխալքն կոտորեալ:

Կիրակի (30 Նոյ.) Թագէոսն¹⁾ և օրթախն ի Մըղ-
սոնցն էին:

Դեկտեմբեր ամիս օր Բշի. երեկոյիս Հոգեորտէրն
(Թորոս) եկաւ յէտրէնու:

Եւ առաւօտուս Դշի (2 Դեկտ.) եկն Մարտիրոս
վարդապետն և եպիսկոպոսքն առ նա:

Դշի (3 Դեկտ.) զՍէյտին մանդուլ արարին և տվին
զՊօսնա և եղին զափուտան զԹօփալ Մէհէմէտ փա-
շան: Մսացու արաւ Մուղսին:

Եշիս (4 Դեկտ.) Շարաֆի պառաւն մեռաւ, ի գե-
րեզմաներն գնացաք:

Կիրակի (7 Դեկտ.) բարեկենդան Սուրբ Յակոբի.
ի կնքտուք գնացի: Երեկոյին մօտ առ կաթողիկոսն
էաք:

Բշի (8 Դեկտ.) պահք Սուրբ Յակոբայ:

Դշի (9 Դեկտ.) երեկոյիս զԻւսուֆ աղան սպա-
նեցին ի ճանապարհին: Դիշերս զերազն Երուսաղէմի

1) Թաթէոսն.